

Puesie ? Eppo' !...

Iviu Battini





Cara Paula, da tè :

Rosula d'amore

*Da u celu bianca stella
Curiosa di vede a tarra
Hè falata.*

*È si hè cambiata in fiore
Una rosula d'amore
Passiunata.*

*Chi indè l'acqua di surgente
Sottu à lu celu ardente
Si mirava.*

*L'acellu in lu so nidu
Cù u so cantu cum'è un stridu
L'annanava.*

*Eiu sò andatu à coglie
Cunniscendu le to voglie
Questa rosa.*

*Par di ti lu me amore
A passione di lu me core
Dolce sposa.*

lviiu

Poesie ?



Quell'epica d'un esodiu impurtante, ora mai, hè oghje di sicuru compia, ma fù, par un longu tempu a sorte è u distinu di parechji corsi.

U SDIRADICATU

U babbu disse un ghjornu à u figliolu caru
« - Parti a tarra hè bassa quì ùn ci si pò stà
Par vangà è zappà ùn ai u tò parù
Ma si u fiore ùn vale chi voli pò impastà ? »

È cusì si n'andò dendu à u babbu ragione
U core addianatu di vede pienghje a mamma
Quella l'avìa impiutu un valisgione
« Di li nostri prudutti ch'è tù ùn ne pati brama ! »

A u sbarcà in Marseglia l'aspittava u ziu
Petru, chi hè ben piazzatu cù li puliticanti
Hè cum'è sacristanu in la casa di Diu.
« Ciò ch'è dumandu l'aghju ùn crede ch'è mi vanti ! »

Di truvà li un impiecu fù cosa prestu fatta
« Incù poca struzzione chi voli pò pratende
Trà ziu è cucini l'avemu ghjudicata
Una piazza di statu hè quella chi ti sende ! »

È cusì in le poste intrò Duminichellu,
« A ellu pò a marchja ùn li face paura
Mì, cum'ellu stà bè u nostu faturellu
Ch'ellu aghja bona sorte a carriera hè sicura ! »

A carriera a fece fendu parechji passi,
Tirendu passi è passi passonu ancu l'anni
Ghjunse l'ora ch'ellu si truvassi
Una cumpagna da dimizà ...l'affani !

Incù Catalinella ebbenu trè figlioli
Ci volse à strazià par fà bolle u pignattu

« Quì nimu ti ne dà ne pomi ne faggioli
Cun poche munizione ùn faci bon cumbattu ! »

A u paese ellu ùn ci era più andatu
Babbu hè bellu malatu è mamma hè mezza cecca
È eiu ne sò quì tintu sdiradicatu
Avà basta cusì ci vole ch'e i vega ! »

Un ghjornu hè vultatu incù a sò famiglia
A u paese amatu di i babbi antichi
D'esse in casa paterna vera ùn li paria
A basgià babbu è mamma parenti è amichi.

« Ah ! Chi vulete fà eiu quì ci sò natu
À l'epica u paese era pienu di ghjente
Zitellu ind'iste strette ci aghju pocu ghjucatu
È corsu par isti chjassi, cun sumeri suvente !

A sera à lu fucone sintiamu fole
I vechji in li tempi sapianu cuntà !
A mane prestu arriti incù pane è civolle
Si partia insieme allegri à dirrascà.

Era un a vita semplice ma naturale
S'andava à caccia o pesca, piacè à bon pattu,
Da manghjà roba schietta, nulla d'artificiale.
Ma eiu cum'è tanti quantunque sò imbarcatu ! »

Un babbu disse tandu à i figlioli cari :
« Ùn' andate in altrò in cerca di tisoru,
Ma statevi ne quì à fà i vostri affari,
E loche di e nostre radiche sò d'oru ! »



L'ANNUTÀ

L'ombra m'avvinghje ind'i l'ora chi u sole vene à more.

« Ti tengu cara ! Iè o caru ! »
Parole eppò parole, listesse,
Chi no c'imbuccavamu tandu
Mi turnate ad esse prisente.

L'ombra m'avvinghje ind'i l'ora chi u sole vene à more.

Ti n'andesti pà u sempre
È mittisti à u prifondu
I nostri sogni spiranzosi.
M'ammantonu u core addianatu
Nuttate eppò nuttate
È l'annigonu e lumere inghijlusite

« Ti tengu caru ! Iè o cara ! »
Parole eppò parole, listesse,
Chi m'incrudite e muche,
Sta sera vi mettu in manu à a scurdanza.

L'ombra m'avvinghje ind'i l'ora chi u sole vene à more.

Fù à l'annutà chi u nostru insemi vense à fine.

CRÉPUSCULE

L'ombre descend, à l'heure où le soleil se meurt
S'étalant sur la ville, voile de paix et de douceur
Je t'aime, tu m'aimes, ces mots toujours les mêmes
Que nous nous disions jadis, reviennent à mon souvenir.

L'ombre descend à l'heure où le soleil se meurt
Tu partais emportant ainsi nos rêves de bonheur
Je t'aime, tu m'aimes, ces mots toujours les mêmes
Que nous nous disions jadis, me rappellent ma douleur.

Quelles longues nuits ont coulé sur mon coeur meurtri
Baignant mes yeux des larmes du drame de la jalousie
Je t'aime, tu m'aimes, ces mots toujours les mêmes
Que nous nous disions jadis, font partie de mon oubli.

L'ombre descend, à l'heure où le soleil se meurt
C'était au crépuscule, la fin de notre amour !



Ìndice

Capitestu

CARA PAULA, DA TÈ :7

Puesie ?

U SDIRADICATU11

FIUME13

L'ANNUTÀ14

CRÉPUSCULE15

ANU NE16

U NULLA17

A SIRADICÀ.....18

STELLI DI U ME PAESE.....19

A SPIRANZA CHI CANTA21

TU SÈ.....22

TU ES.....23

CUMU SAPÈ24

SI TU VOLI CH' E TI DICA25

Eppo' !...

DI A PUESÌA È DI A MUSICA29

MA QUALE A SÀ ?30

TEMPI È TEMPI31

CIRCA À L'USI32

L'OMU IN SUCIETÀ33

ESSE A PATTU INCÙ I SO « FAMILIARI » !.....34

INTRICCIATE È CAMBIARINE DI L'ECUNUMIA35

CAMPÀ IN CITÀ.....	36
À PRUPOSITU DI U CARATTARE	37
CARITÀ !.. CARITÀ !.....	38
A LIBERTÀ	39
LIGUALITÀ.....	40
A SCIENZA O SAPIENZA È I SO VALORI.....	41
L'AZARDU.....	42
TINEMU À CONTU À A NATURA	43
LAVARU... ARPAGONE... RANCICONE !!!.....	44
U GENIU.....	45
A CIRTEZZA.....	46
FOLE DI FOLLE ! (Storie di bande).....	47
INDUVA SI TROVA A VIRITÀ DI A VIRITÀ ?.....	48
TIRANIA È PREPUTENZA DI I FAMILIARI GHJENTE DI CASA È D'ALTRO.....	49
ILLUGISMU DI A LOGICA	51
A FAMIGLIA.....	52
I PRUGRESSI	54
U PUTERE È A PASSIONE DI U PUTERE	57
U TARRURISIMU	58
SÒ CAMBIATI I TEMPI	59
U BEL UMORE A MACAGNA U TARROCU !.....	60
A RISA.....	61

Tèatru

STORIA DI BICICLETTA	65
----------------------------	----